

و نائق مهمه تاریخیه مجموعه سی

عبد اسبق عالی پاشا



بر نیچی جزء :

کریه

ناشری

صبحی پاشا زاده محمد خیز الله



وثائق مهمه تاريخيه مجموعه سی


صدر اسبق عالی پاشا

برنجی جزء :

کریه

ناشری

صبحی پاشا زاده محمد خیرالله



استانبول

بکر افندی مطبعه سی — وزیرخان

۱۳۲۷



صدر اسبق عالی پاشا مرحومك مأموراً
کریدده بواندقلری اشناده جزیره مذکورہ
اختلافك تسکینی ایچون تصویرایتدکاری
بعض تدابیر اصلاحیه بی حاوی باب عالی یه
کوندرمش اولدقلری لایحه در

باب عالی یه — حانیه فی ۲۳ شعبان ۱۲۸۴
تشرین ثانی

انکاتره و اوسـتـریا دولـتـلری طرفـلرند
کرید مسئله سی حقنـده عرض اولمش اولان
صورت تسویه اوزرینه مجلس عالی خاصـده
جریان ایدن مذاکرات صائبهـك تفصیلاتی
و کیفیت اراده حکمت افاده حضرت شهنشاهی بی
حاوی شهر شریف جارینك ایکیـی تاریخیه
مورخا زین انامل تعظیم و منـفـخـرت اولان
تحریرات جلیله داوریلری مال عالیسی
مدرکه پیرای چاکری اولدی. و عطاو قلو صبحی
بك افندی حضرقلری دخی دقایق حال و ملاـ
حظاتی بالا طرف تفهیم بیوردیلر. بنده کترلرینه

هرشیده و باخصوص بو مثللو امور غامضه
 ومهمه بك حسن الحلالی مسئله سنده ایشه
 یرایه جق رأی بولوب ویرمکدن عجز مستمدانه
 مسلم و مجرب ایکن حق بندکانه،ده بو وجهله
 دخی ابراز و بیدریغ بیوریلان اثر التفات
 واعتماد مکارم معتاد عالیدن وبالخاصه میرمشارالیه
 حضر تلری کبی درایت و فطانتی و کافه حقایق
 مصالح سنیهیه و قوف کاملی اولان برذاتک دخی
 ایشک هر طرفی تشریح و تبلیغ ایتک اوزره
 بو طرفه اعزام بیورلسندن نه مرتبه لرده مباحی
 و مفتخرونه درجه لرده منتدار و متشکر اولدیغی
 تعریف و توصیف قابل دکلدر .

جناب فیض مطاق خلیفه بالحق اولان
 ولی نعمت بیتمز پادشاه توفیق پناه افندمن
 حضر تلرینی الی یوم التباد اریکه شوکت سبیل
 سلطنت و عافیه رونق و ذات معالیمات
 داوریلرینی و بالجمله رفقای فخام حضراتی دخی
 سایه نسیلا توایه جناب جهانبایده دائما و کافه
 امورده موثق بیوره آمین .

مسئله مباحوث عنها اوزرینه دوران ایتمش
 اولان مذاکرات ایشک هر جهتی جامه
 اولوب بوکا بر مطالعه ورأی جدید علاوه سی

قولکنز مثللو عقول بسیطه اصحابنه کوره
حد امکانده اولیوب فقط امتثالاً للامر العالی
ومستتیراً بانوار اراء الاعالی بعض خواطر نافعہ نک
عرض وتحریرینہ جرأت قانور .

شوبله که اولجه دخی اشعار اولندیغی وجهله
کرید جزیره سنک اختلالنه سبب مستقل یونانستانه
التحاق ماددسی اولوب جزیره نک خرسیتیانلرندن
جلی وخفی بوبایدہ داخل اتقاق اولمیان اقل
قایل اولدیغی حالده مصلحتک بوقدر وقت
اوزانمسی ودولتله نامنه اوله رق اجرا اولنان
مواعدک بو آنه قدر انجاماز اولنه مامسی پک چوغنی
یأسه دوشورمش وصحیحاً مطاوعت واستیمانه
مجبور ایتمش اولدیغی دلائل غدیده ایله مثبتدر .
مقدم وبو دفعه تقدیم اولنان معروضات
عاجزانه مده دخی برتقصیل مسطور اولدیغی
اوزره شو یأسدن واتخاذ اولنان تدابیر تأمینیه
وتألیفیه دن ناشی مطاوعت ودوائر حفیظه
عسکریه دخالت میل وارزوسی یوما فیوما
تزايد وانتشار ایتکده در . فمط مادامکه علت
غایه وماده فاعله شقاوت واختلال تبدیل تابعیت
مسئله سیدر . شمديکی تمایلات مرضیه بروجه
محرر انک حصولندن مأیوس وبری طرفدن

کوستریلان لطیفاته مأنوس اولمزلندن انشات
ایدوب بویاس برطرف اولدیغی و حصول
مطلب اصلی امیدی ادنا مرتبه تجدد ایتدیکی
اندهینه افکار دکیسه جکی و شمیدی مع النشکر
قبول اولنان مساعدات سنیه نک تماماً اونودلیه
جنی اقوای ملحوظاتدر .

دولتلك تمامیت مالکیه سلطنت سنیه اساسنه
رغایت ایده جکلرینه دائر ویره جکلری تأمیناتک
اهالی مسیحیه جزیره نک تفتیش مشترکدن
حاصل ایده جکلری شوق و امید جدیده قارشو
کلوب کله میه جکنی عقل قاصر چاکرانه م لایقوله
کسیره مز ایه ده جزیره نک شو کونکی کونده
بلکه ثلثانی یونانستانه التحاقدن بشقه بر تسویه بی
قبول دکل اصغا بیه ایتک ایستیمیان اشقیای
مضره ورؤساسنک و بونلردخی روسیه و یونان
دولتلرینک تحت قومانداسنده بولندقلرندن
دولتله قومیسرلری بورایه کلوب ده اداره آتیله
حقنده افکار اهالی بی سؤال ایتدکلرنده اومقوله
اشقیانک وزیر نفوذ و جبرلرنده بولنان و اذهان
و قلبلری بالطبع یونانه مائل اولان فسد قصابات
و بله های قرانک یونانه کچمکدن اوزکه بر
مطلبلری اولمادیغی بیاغی عموماً میدانه

قويه جقلى اغلب احتمالاتدر . وبو نتيجه نك
 ترتيب مقدمات تسهيله سي ودولتلك تماميت
 ملكيه اوزرينه ويردكلى توثيقاتك بالجملة
 اهالىك متحداً درپيش ايده جكلى طلي
 محو وابطال ايده ميه جكندن طولاي خلتك
 تأمینی ضمنده كرك تفتيشه كله جك روسيه
 قوميسريه بوراده هر آن ودقيقه بيك درلو
 فساددن خالى اوليان روسيه قونسلوسنك
 وكرك يونانليلك صرف ايتيه جكلى نقود
 مساعى قالميه جنده قطعاً شبهه اولانه من .

اسباب مشروحيه مبنی تفتيش مشترك
 نتایج تحقیقات و تفتیشاتی اکثر بلکه عموم
 اهالی عیسویه نك یونانستانه ملحق اولق
 استدعاسنده بولندقلرینی مؤید اولورسه
 مجلس عالیده دخی تذکر بیورلمش اولدینی
 وجهله شمدی دولت علیه عرض توسط
 وتأمینات ایدن دولتلك دخی هم کندی
 ملتارینه وهم بزه قارشو غایت مشکل بر حال
 وضعیتده بولنه جقلى درکاردرزیرا اول تقدیرده
 کندولری یا الحاله هذه بتون اوروپاده قانون
 عمومی حکمنه کیرمش اولان اصول قومیتك
 خلافتده ویاخود دولت علیه ایتدکلى وعدك

محاسبانده بولمق شقلرندن برینی اختیاره مجبور
 اوله جقلردرو حسب الحال ترجیح ایده جکاری
 ایکنجی شق اولیه جنی امثالی دلالتیله مجزوم
 کیدر واقعا تأمینات جدیده پارس معاهده سنده
 مندرج اولان شرایط صریحاً حد اقوی
 اوله من شرایط مذکورەنک نه رنکاره
 کیردیکنی وایتالیانک انقسامنه دائر اولان
 زورخ معاهده سنک اصول قومیتنه قدر
 قولایمقله قربان ایدلیدی جملهنک معلومی اولان
 حالاتندر . بناءً علیہ تفیش مشترکدن التحاق
 مسئله سی حقیقه جنی خوفندن و تأمینات واقعهنک
 بویله طلب سخیفک ظهورینی منعه ونه ده
 بعد الظهور کان لم یکن حکمنده قالمسنه مدار
 وفائده سی اوله میه جنی و همندن ذممنلری کیرو
 الموق مشکلدرو . وبالفرض الحال انکاره و اوستریا
 دولتلری بزه ایتدکلی و عدده ثبات ایده بیله جک
 اولسه لری بیله روسیه لولرو انلره اتباعاً پروسیالولر
 و بلاشبیه فرانسه لولر ترویج استدعای اهالیده
 اصرار ایده جکلری و بوکا موافقت ایتدی کمز
 صورتده میدانده اولان مخاطرات و صعوبات
 کما کان بردوام و متزاید اوله جنی و مشارالیهما
 انکاره و اوستریا دولتلری ایسه برکونه معاونت

فعلیه ده بولنه میوب بونلری اسکات وارضاً
ایله دفع بلاایدیکز وادیسندہ نصیحتلرله اکتفا
ایده جکری لوایح حاله دن مستدلر .

— بند —

بوندن اون ایکی سنه مقدم افلاق و بغداد
بکری انتخابی ایچون جمعی لازم کلان ملت
مجلسلرینه بغداد اهالیسی طرفدن تعیین
اولنان وکلانک اکثری ایکی بکلکک براشدیر.
لمی طرفداری اولمیان اشخاصدن مرکب
اولدیغنه فرانسه دولتی ممنون اولمیه رق بونلرک
انتخابنده حکومت طرفدن فساد قارشیدیرلدیغی
جهتله اول مجلس فسخ اولنوب تکرار اهالییه
مراجعت اولمسنی روسیه و پروسیا وایتالیا
دولتلیله برابر ادعا ایتمشدی . اولوقت
انکلتره و آوستریا دولتلری بوکا موافقت
اولم-امسنی شدتله نصیحت ایدوب بزده او
نصیحتله عامل اوله رق دول اربعه ایله قطع
معاملات رسمیه درجه سنه قدر کیتمش ایدک .
صکره ایمراطور ناپولیون انکلتره قرالیچه سنک
(اوزبورن) سراینه مسافر کیدوب و انکلتره
وکلانسیله صحبت ایدوب اونک اوزرینه ینه
انکلتره دولتک نصایح قطعیه سیله دول مشار

اليهمك ديدكاريني تماماً يامغه مجبوريت حاله
 دوشديكمز وبارون (پروكش) ك انكلتره
 وكلاسك شو حركتلريني يالكز بزمه برابر
 آشوري تقييح ايدرك بالضروره اوده
 اولكي سوزلريني كرى آلايغى خاطر نشان
 عاليريدر . اول زمان انكايزلر بويله جانسز
 دكل ولورد (پالمستون) حياتده وراس
 حكومتده ايدى . شمدى ايسه پولتيقه بتون
 بتون دكيشمش وبيطرفلق وقوميت اصولى
 قاعده اتخاذ اولمش اولديغى حالده كريد
 خريستيانلرى طرفدن بيان وفرانسه وروسيه
 دولتلرى جانبدن قاعده مذكوره نامنه اوله رق
 ترويج اولنه جق طلبى عدم قبولده انكلتره
 دولتشك دولت عليه حقيقه وعلناً ورسماً
 معين اوله بيله جكى وموسيو (بوستك) فصاحت
 ودرائتى شو مطاي استحصاله موفق اوله جنى
 پكده منظون ومأمول دكلدر . اكرچه بوققره
 وهله اوليدمصرانه رد ايتديكمز بر تكليفى
 بالاخره قبوله مجبور اولديغمزه مثال
 اولوزسه ددرجه ثانيه ده دخى انكلتره و آوستريا
 دولتلرينك نصايح واقعلى مداريله طوتديغمز
 مسايكى ينه المرك الحاحيله ترك ومخالفينك

مرضیارینی اجرا احتیاجنده بولندیغمزی دخی
 اشراب ایدر و فرانسسه دولتک موافق طرفه
 کچه بیلیمی ایچون قورلمسی شمدی دولتین
 مشار الیهما طرفلرندن شبهه سز خالصانه اوله رق
 نصیحت اولنان کوپری صکره بزی خدا حفظ
 بیورسون کرداب بلایه کتوره جک بر کچید
 اولورسه حسب الضروره آندن دخی مرور مزی
 ینه کندیلری طلب ایتک حالنده بولنه بیله -
 جکارینه دلالت ایلر اولدیغندن بو محامده تذکارینه
 مبادرت اولندی .



تقدیش مشترکک دوات علیه جه ملحوظ
 اولان مضرات عظیمه سنک بری دخی جزیره نک
 حال حاضریدر . ایکی سنه یه یقین مدتن بری
 وقوع بولان حروب و مصادماک نتایج
 طیمیه سندن اوله رق اکثر بیوت و مساکن
 و کنایس منهدم و محترق و یونانستانه هجرت ایتیمان
 اها لینگ چونغی مغاره لرده و خرابه لر آلتنده
 عریان و جیعان ساکن اولدقلرندن کریده
 کلوب قرا و نواحی بی کزوب شو حاللری رأی
 العین مشاهده ایده جک و ارباب فساد طرفندن
 اهالی مضطربه مرقومه یه تعلیم اولنه جق
 شکایات و فریادلری کندی قولاقلریله

ایشیده جک اوروپا قومیسر لرینک قرار ورایلری
 بزم طرفه موافق حیقمق و جزیردنک دولت
 علیه ده قلمسنی مروج اولمق احتمالی اوله ماز
 ظن اولنور .
 شو قدر وارکه ملاحظات مبسوطه میدانده
 اولان مشکلات پولتیقیه نک بر جزوی اولوب
 روسیه لولرک روم ایلی قطعہ سنده بلکه اناطولی
 و عربستانه بیله اجرا ایتکده اولدقلری فسادات
 و تحریکاتک اوکنی المق حال حاضر خرائنه
 و بسانه بیله جک عساکرک مقدارینه نظراً
 یک زیاده صوبتلی اولدیغندن بر طرفه داولنه جق
 ثبات و اسرار ایله خدانکرده هر طرفی خطر
 و تهاکیمه القضا ایتک دخی موافق حکمت
 و مصلحت اولیوب و بناء علیه اولنه جق مطالبات
 حال حاضرک عمومیتنه شامل اولمق لازم کلوب
 و مجلس عالینک مذاکرات واقعه سی دخی
 بومر کزده اولوب روسیه دولتک القا و تشویق بیله
 دول اربعه سفارتلری طرفلرندن کچنده
 حضور ساسیء داوریلرینه اعطا اولنان
 اعلاننامه مآلنه و فرانسه امپراطوری حضر تلرینک
 موخرأ ملت مجلسنه ایراد ایلدیکی نطق رسمیده
 اولان عباریه نظراً اصلاح حال تبعه لقر دیشی



صدر اسبق عالی پاشا



عالی پاشایہ ایضاحات ویرمک اوزره
معارف ناظری ایکن مجلس خاص قراریلہ
کریدہ کوندریلان صبحی پاشا مرحوم

یالکیز کرید خرسایانلرینه منحصر قالمیوب
 عموماً اهالی مسیحی‌دن بحث اولمقده اولمسیله
 عجبا کرید اوزرینه اولان طلبلری یعنی تفتیش
 مشترک خصوصی واندن ظهوره کله جک احوال
 قبول اولندیغی صورتده سائر طرفلره دائر
 اولان منویات مضره وفسادات متوالیه‌دن
 تخلص کریبان دوات ممکن اوله بیلورمی اگرچه
 بوباید اهانیه برجزم وامنیت کله بیلسه تفتیش
 موافقت اخف شرینی اختیار دیمک اولور
 حیفا که امارات مشهوره بونک عکسینی اخطار
 ایتکده در. تفتیشدن حاصل اوله جق حال مضرت
 اشغال کریده منحصر قالمیوب بحر سفیده
 اولان سائر جزایر دولت علیه وبتون
 روم ایلیه سرایت ایده جکی وایتدیریله جکی
 وبنابرین بوراجه ایده جکمز فدا کارلو دفع
 بلا ایده جک یرده تزید فلا کته سبب اوله جی
 وهمنه صاپلامق الدن کلیور اوروپانک احوال
 عمومیه سی شـ وصورته مختل ومشوش اولوب
 اسکی اصول محافظه کاریسی یکی قاعده اختلال
 شعاریه مبدل اولمسندن طولانی دولتره عارض
 اولان کیفیت غریبه بردوام اولدقچه واکثر
 بو حالدن ناشی مفلوج حکمنده قالدقچه روسیه

دولتی بوندن و کندوسنک موقع جنرافیسندن
 وانکله حاصل ایتدیکی قوت عظیمه دن استفاده
 ایدوب ایکوزسنه دنبرو بلاد شرقیه و باخصوص
 ممالک محروسه دولت علیه حتمده اولان
 مضمرات معلومه سنی فعله کتورمکه چالشمقدن
 بران کیرو طورمیه جنی و حاضر انه کیرمش
 اولان فرصتی فوت ایتیه جکی و کریدجه اوله جق
 موافقتدن ممنون اولوبده روم ایلی طرفلرینی شمیدیکی
 کبی افساددن فارغ اولمیه جنی و شو سیل العدم
 مفاسد و تحریکاته فرانسه دولتک سد و حائل
 اولمیه جنی اشتباهدن بریدر قولککزک ظن
 عاجزانه محجه بولندیغمز حال خطرناکدن
 عون باری ویاوریء موفقیت حضرت شهریار
 ایله قورتلمک بر چاره سی وار ایسه عموماً
 خرسیتیان تبعه نک اصلاحه محتاج دنیلان احوالی
 هر نه ایسه انلری دولت کندولکندن اولارق
 بلا افاته وقت یاپوبده روسیه لونک لندن
 شو سلاح تزویر و اغفالی اولسون المی
 و افکار عمومیه اوروپایی بو تقریب ایله جلب
 و خرسیتیان تبعه یی مهمالکن تألیف ایتک
 ماده لری اولدیغندن هر نه قدر صددن خارج
 ایسه ده حسب العبودیه و عفو عالییه مغروراً
 بونک دخی علاوه سیله تزید تصدیعانه جسارت

قلندی حاصلی احکام زمانیه اوله رق دولت
 علیه نك دخی مبتلا اولدیغی مشکلات و صعوباتك
 کلیاً احساسی قابل اولمسه بيله بعض مرتبه
 تخفیفیه وقت قزانلمسی بر یاندن تکلیفات
 حاضره مثللو تبعهیه سوء عبرت و جمله سنی
 عصیان و شقاوته تازیانه شوق و غیرت اوله جق
 شیرك ممکن مرتبه دفعنه چالشمغله برابر داخل
 احتیاجات مشروعه اهلینك ارضاسنه منوطدر .
 اشبو مقدمات و تفصیلات انکلتزه و اوستریا
 دولترلرینك عرض ایلدکری وساطت دوستا-
 نه نك جرحی طرفی مروج کبی اولوب فقط
 شمدیکی حالده سلطنت سنییه اک خیر
 خواه کورینسان ایکی دوات عظیمه نك حل
 اشکال نیت خالصه سیله معروف اولان مسا-
 عیلرینی هیچه صایمق و کلیاً و قطعاً ردایتمك
 دخی هم لایقسنر و همده غایت مضر اوله جفی
 امور و اضحه دن اولمغین مجلس عالینك مباحثات
 مصیبه سی فذلیکه سی موجبجه ایشك بر اورته سنی
 بولمغه چالشمق امر طبعیندر . مثلاً دولتین
 مشارالیه مالک تبلیغات واقعه لرینه اطرافلی بر
 جواب قلمه النوب انده کرید مسئله مشکله سنك
 حل و تسویه سی ضمننده صرف ایلدکری
 مجهودات خالصه لری و دولت علیهیه بویوزدن

دخی اراڻه ايتدکری دلائل حسن توجهلری
 زياده سيله موجب ممنونيت وشکرانيت
 اولديغی وويردکری نصايح کمال اهميته استماع
 وفوق الغايه تقدير بيورلديغی مقدمه سندن
 صکره کندولرينک کوستردکری خلوص
 وصفوتک مورث اولديغی امنيت کامله مبنی
 حقيقت حالک و تفتيش ماده سنده اولان مضرات
 ومحاذيرک بر کره بلاکتم وضع ميزان انصاف
 وحقانيتلری قنمسی نزدعالی حضرت ملوکانه ده
 مناسب کورلديکی تمهيد وکريد حادثه سنک
 اسباب وقوع ودوامی مجملایان وتکرار
 اولنديغی متعاقب اجراسی تنسيب اولنان تفتيش
 مشترکدن غرض اگرچه اهالينک احوال
 حاضره واحتياجات مشروعه لرینک ميدانه
 چيقارلمسندن عبارت ايسه دولت عليه نک
 خلاف مرضیسی اوله رق بونجه وقتدنبرو دوام
 ايتمش اولان حال اختلال جزيره نک اسلام
 وخرستیان بتون سکاڻی سويأ وعموماً
 پک زياده اضرار واداره مملکتی اخلال ايتمش
 اولديغی ميدانده وبونک تعمیری مثلاً ويرکولرک
 بر قاج سنه مدت انچون عفوی واداره آتیه نک
 اصلاحي وسائر اقتضا ایده جک معاونتک

اجرایی خصوصاً لرینه وابسته بولندیغی جهتله
 اولیاده تفتیش مشرکه قطعاً حاجت اولندیغی
 و بو تدابیر تعمیریه و اصلاحیه بخشنده دخی دولت
 علیه نك اهالی جزیردنك مكف اولدقلری
 اعشار شرعیه نك مرحمة و موقتاً و خرسیتیانلرك
 ویره کلدکلری بدل عسکری بی کلیاً عفوایتمش
 و میری بورجی اولنلرك دیننی امهال و ایجابنه
 کوره احایه حاضر بولنمش و خراب اولمش خانه
 و معبدلرینك تعمیر و انشاسنه هر درلو معاونت
 و عنایتی بیدریغ طوتمغه قرار ویرمش
 اولدیغندن تعمیر خسار یولنده تفتیش قومسیو-
 نك نه قدر تحری اولسه بولردن فضله یاپه حق
 بر شی بوله میه جنی اشکار اولدیغی مثلاًو اسله
 سارینی مقدما کورمش اولدقلری اصلاحات
 اداره جزیره نك بودفعه کندولرینه اعطا اولنان
 نظاشانات متفرعه سی مطالعه سندن معلوملری
 اوله جنی وجهله اطه نك محکمه لری و اداره
 ملکیه و مالیه سنه مأمور مجلسلری بتون اهالینك
 انتخاب کرده سی اولان اعضادن مرکب و مرتب
 اولدیغی و مأمورین حکومتك چوغی خرسیتیاندن
 نصب اولندیغنی و معاملات و محرراتده زحمت
 چکلمه مك ایچون بتون کاتبلر چیفته اوله رق

تعیین قلندیغنی و حکومت قانونیه یعنی محاکم
 حکومت اجرائیه دن کلیاً تفریق ایدلدیکی
 و خرسیتیانلرک اهل اسلام ایله اوله جق
 دعوالرینک رؤیتی بالخاصه محاکم مختلفه
 قانونیه یه حواله قلندیغنی و رالی و متصرفلرک
 افعال حرکاتی یانلرنده بولنه جق و برطاقم
 اعضای اهلینک منتخبلرندن مرکب
 اوله جق مجلس اداره نک تحت تدقیقنده بولنه جنی
 و بهر سنه ینه اهلینک انتخاب ایدلکری و کیلار
 مرکز ولایتیه طویلانوب جزیره نک محتاج
 اولدیغی اصلاحاتی بیان ایده جکلری و بونظامات
 بافرمان عالی اعلان و تمامی اجرائی قویاً تأمین
 اولنه جنی مقرر اولمغله و سکنه جزیره یی
 صورت استحصالی ازعاج ایدن رسومات
 وار ایسه آنلرک دخی تسویه سنه حانیه ده بولنان
 وکلای اهلای ایچندن ترتیب اولنان قومیسوند
 باقلمقده بولمغله و کندولرینک و بالجمله همشهر-
 یلرینک شو مساعداتدن کاملاً ممنون اولوب
 بشقه هیچ برطلب و استدعاری اولمیدیغنی کړک
 وکلای وارده و کړک جبر اشقیادن مصون اولدچه
 بریاندن کلمکده اولان مبعوثان سائره یکزبان
 اتحاد و اتفاق اوله رق اعلان و بیان اتمکده

بولمغىلىلە بونك اوزرىنە تفتيش قومىسيونى
 اھالىدن دھانە صورمق و نظامات مذکورددن
 زيادە جزيره دن بتون کف ید ايتمکدن فضله
 نه ويريله بيلمک احتمالى اولديغى واوروپانک الک
 سربست واک متمدن و منتظم اولان يرلرنده
 بيله محاکم و مجالس اداره اعضاسى دولت
 طرفدن نصب اولنديغى حالده بوراده اھالينک
 اتخابنە براقلماقلا حقوق ناسک امنيتتە بوندن
 بيوک ضمان و کفالت ويرلمسى ممکن اولەميه جى
 و چونکە اعانە و اداره يە دائر دولت عليه نک
 اجرا ايتمش و ايتمک اوزرە بولمىش اولديغى هم
 جليلە و نظامات مشروحنک خارجندە بونلرە
 متعلق برشى بولنوب علاوہ اولمق قابل
 اولەميه جغندن و جزيره يە خرستياندن بر والى
 نصبي اساساً مجروح اوليوب فقط شمديکى
 حالده اوراده زيادە جە عسکر بولمىش جھتيلە
 بريوک قوماندانک وجودى الزم وايکى اداره نک
 برالده اولمى اھالينک حسن اداره سنجە
 دخى اهم اولديغە بناءً ولايتە قوماندانلق
 برلشديرلمش ايدوکنندن تفتيش مشترک
 ايشى بالطبع پولىتبقە جھتى يعنى اعالي عيسويە نک
 امرتابعتدەھانکى دولتى ترجيح ايدە جکلریتی

و یا خود بتون بتون بر جمهوری ایسته به جکاری
 آرایوب صور مغه منحصراً جفی بویه پریشان
 صورتده دکل ایو بر یوله ودها دلائل قویه
 علاود سیله و اطرافیه بیان بیور لسه و مجالس
 مختلفه دعاوییه و دیمو وروندیالره دائر کچنده
 و مجالس اداره و مجالس عمومییه متدائر بو
 دفعه تقدیم اولان نظامنامد لک بعد الاصلاح
 برر صورتلری دخی برابر ویر لسه عجبامدار
 تعدیل اوله بیلور می و مرارت رد و جرح قطعی
 مخدورندن قورتاروب طاتلیتدیر می و بو
 عارض اولان توهقاتی رأی مقامنده اولیه رق
 یالکز تدقیق عالیر لیه آرای صائبه وکلای
 فحاکم تمیزینه تقدیمه جزأت ایلدم . چونکه
 حقیقه کزید جزیره سنک کزک تعمیر خساری
 و کزک تأمین اداره آتیسه سی ایچون بیدریغ
 و سزاوار بیوریلار آثار مراحم و مساعداتک
 ایلروسنی بولمق ممکن اولیوب و خرسیتیانلرک
 هر شیده مساواتلری و ادارهده اشتراکاری
 تام اولوب بونک خارجنده یونانستانه الحاق
 و یا خود امارت مستقله و یا بر خرسیتیان جمهوری
 تشکیلی ماده لرندن بشقه شی قالدینی و اهالی
 عیسویهنک حسب الدیانة والقومیة اشکال

ثلثه نك درجه درجه هر برینی دولت اسلامیه -
 نك تابعیت والطافه ترجیح ایتلری مستبعد
 اولمدیغندن بونی اكلامق ایچون مختلط قومیدسیون
 ارسالی تمكلفنه حاجت اولمدیغی ملاحظاتی
 وتوهمات مشروحه بی ملقی واوزون اوزون
 بیان وترقیمنی مؤدی اولدی .

مبدأ عریضه چا کریده دخی خامه گذار
 اشعار اولدیغی وجهله صحیحاً هر طرفی مشکلات
 وخطرات ایله محاط و محفوظ اولان بویله بر
 مسئله مهمه یه رأی قارشیدیرمغه لیافت بندکانهم
 کافی اولمدیغی بیلور اولدیغم حالده بویله طول
 ودراز تصدیعه مبادرتم مجرد هر حالده امر
 و اراده التفات افاده حضرت شهنشاهی یه
 فرض عین اولان امتثالی یرینه کتورمك املنه
 مبنی اولدیغی ومواد محرره ایسه اشعارات
 علیه لرندن استنباط اولنان احکامك مع النقصان
 تکراری دیمك بولندیغی جهتله هیئت عالیہ
 دولت طرفندن نه صورته تنسیب وتصویب
 اولنور و اراده حکمت معتاده جناب ظل اللهی
 نه مرکزده اصابت افزای سنوح و صدور
 بیلور ایسه محض خیر ومنفعت انده اوله جغندن
 اولبابده امر وفرمان .



فیاتی ۱ غروشد

بکر افندی مطبعه — وزیر خان